

vocari solet, sermonem ipsis fuisse, ei cui ipsorum scripta legere contigit, obscurum esse non potest.

*Cujus in-
tio prima
difficilis*

§. 3. Verum enim verò, cum in profundo quasi puteo lateat rerum plerarumque Veritas, & aliàs, juxta Græcorum illud Veriverbium, δύσκολα τὰ καλὰ, difficilia sint quæ pulchra habentur, non nisi longo temporis spatio, multis experimentis, labore maximo, aliquam hujus boni copiam partim impetrarunt, partim impetraturos se, jactis quibusdam fundamentis, sibi persuaferunt primi isti Philosophiæ conditores, qui tamen, ut omne bonum est communicativum sui, docendo postmodum inventam veritatem & scientiam, quantacunque fuerit, aliis communicare sedulò allaborarunt, tum quod scire suum nihil esse putarint, nisi hoc ipsos scire intelligeret alter; tum quod eo labore ad majorem scientiam perveniri posse, non dubitarint. Quem in finem etiam de aptâ & accommodatâ, quâ in docendo uteretur, methodò quilibet cogitavit. Hinc per Dialogos Socrates, Carminebus Empedocles, Fabulis alii ad propositam collimare metam tentarunt.

*Facilitatur
Methodo
Mathematicorum*

§. 4. Accuratissimâ interim viâ & methodò usi sunt Philosophorum antiquissimi, qui pro singulari, quo præ cæteris ad eruendas scientias flagrarunt, studio *Mathematicorum* dicebantur, non eò sensu quo sibi postea parandæ autoritatis titulum hunc arrogarunt vani Genethliaci, ab Augustino Planetarii, aliis Chaldæi dicti, quos Codex inter maleficos non injuriâ collocavit, sicuti hodie qui Politicorum nomen, versipelles: Medicorum, circumforanei, autoritatis ergò mentiuntur, eodem loco habendi; sed quod, ut *μαθηταὶ* idem est ac *addiscere*, *sciscitari*, *recordari*, quod utramque in philosophando paginam absolvit, hi præcipue tales essent, qui sciscitarentur, h. e. verè philosopharentur.

*Quâ co-
gnita neces-
saria velut
ad oculū de-
monstratur.*

§. 5. Etenim at hi summam in inquirendo semper adhibuerunt diligentiam, ita, si quam è naturæ gremio noviter eruerunt veritatis necessariæ certitudinem, ipsi velut parte summi boni feliciter impetratâ, non tantum incredibili sem-